

# REGLEMENT FORMELAND FORMANNSKAP

## 1. VAL OG SAMANSETJING

Meland formannskap skal ha 7 medlemmer med varamedlemmer, - alle valde av og mellom kommunestyret sine medlemmer.

Formannskapet vert vald først.

Deretter vert ordførar og varaordførar valde mellom formannskapet sine medlemmer.

Vala skal skje i kommunestyret sitt konstituerande møte og i samsvar med KommuneLOVA § 8, nr 2.

## 2. ARBEIDS- OG ANSVARSOMRÅDE

Formannskapet skal vere arbeidsutval for kommunestyret, med økonomi og heilskapsplanlegging som sitt hovudansvar.

Formannskapet skal avgjere eller kome med innstilling til kommunestyret innanfor følgjande saksområde:

- heilskapsplanlegging ( kommuneplan og økonomiplan, jf. kommunelova § 44)
- kommunalt arealplanarbeid
- årsbudsjett, jf. kommunelova §§ 45 og 46
- politiske leiings- og samordningsoppgåver, herunder samarbeid med andre kommunar
- tiltakssaker
- kjøp og sal av kommunale tomter og eigedommar
- beredskap
- løyve til sal og skjenking av alkohol, og kontroll med dette
- andre saker som ordføraren legg fram for formannskapet eller som kommunestyret sender til formannskapet

Formannskapet er

- Klagenemnd etter forvaltningslova § 28, andre ledd
- Valstyre etter vallova § 4
- Styringsgruppe for ulike prosjekt
- Politisk valde medlemmer i Administrasjonsutvalet

Formannskapet har avgjerdsrett i løyvingssaker inntil kr 100.000,-.

Formannskapet har avgjerdsrett i hastesaker etter kommunelova § 13.

### **3. SAKSHANDSAMINGSREGLAR**

Møta i formannskapet skal haldast for opne dører, jf. kommunelova § 31, nr 1.

Når kommunelova opnar for dette, kan formannskapet unntaksvis handsame ei sak for lukka dører.

Meland formannskap skal følgje lov og føresegner og – så langt det høver - dei reglar og retningsliner for sakshandsaming, møteorden og møtestyring m.m. som er fastsett i Reglement for Meland kommunestyre.

Formannskapet innstiller direkte til kommunestyret i alle saker som skal handsamast av kommunestyret og som høyrer til formannskapet sine ansvarsområde.

Formannskapet kan innanfor sitt arbeids- og ansvarsområde delegere til rådmannen, så sant ikkje lover og føresegner er til hinder for dette.

### **4. OVERPRØVING AV SAKER**

Tre medlemmer av formannskapet kan krevje at eit vedtak som i utgangspunktet er delegert og endeleg i formannskapet, skal kunne overprøvast av kommunestyret. Dette gjeld både med omsyn til den skjønnsmessige avgjerd og om vedtaket er i samsvar med lov, føresegner og dette reglementet. Krav må setjast fram i same møte. Formannskapet kan, dersom særleg sterke grunnar og tidsomsyn krev det, med vanleg fleirtal vedta at krav om overprøving etter dette punktet, ikkje skal ha oppsetjande verknad.

*Dette reglementet er vedteke i Meland kommunestyre 09.11.2016 – sak 100.*